

C-E Niger Fula - Agape Deftere Seniinde - God's Love Letter Scriptures

Yahayya 15:9 Noon no Baaba am yidiri yam, noon miin boo ngidrumi on. Njoodee
nder yidde am.

Ecaaya 43:1,2 - Efesu'en 2:10 Yehowah wadi en no laatiiden jo'oni. Nder kawtal
meeden e Yeesu Almasiifu o tagitii en, faa kuwen kuude boodde de o siryanii
en ila duuniyaaru tagaaka.

Yeremiya 1:5 - Galaatiya'en 1:15 Ammaa Yehowah subii yam ila mi rimaaka, o
noddii yam sabu yidde ma'ako.

Yahayya 15:16 Naa onon cubi yam, ammaa miin subi on. Mi hokkii on kuugal
njahon ndimoyon bikkon, bikkon moodon laatoo tabbitkon. Ndeen Baaba am
no hokkey on koo dume ko toriidon nder innde am.

3 Yahayya 1:2 Gidaado am, emi wada do'aare gam maada, faa tawee a joodii jam
nder koo dume fuu, waato a jamo nder ruhu e banndu.

Ecaaya 43:4 - 1 Biiturus 2:9,10 Ammaa onon ngoni jama'aare subaande, kawtal
aardiibe diina Laamiido, lenyol ceniingol, yimbe be Yehowah subani hoore
muudum. O subii on gam nga'ajinon habaru kuude ma'ako boodde, kanko
noddudo on nder nibre, ngardon nder jayngol ma'ako kaayniingol ! 10 Ndeenno
wanaa on yimbe Yehowah, ammaa jo'oni on laatake lenyol ma'ako. Ndeenno
on kebaayno yurmeende ma'ako, ammaa jo'oni on kebii yurmeende ma'ako.

Yeremiya 31:3 - Efesu'en 1:4 Barkaa Almasiifu, o subii en ila duuniyaaru tagaaka,
gam laatooden seniibe, be ngalaa feloore yeeso ma'ako.

2 Timote 1:9 Yehowah hisnii en, o noddii en laatooden yimbe ma'ako seniibe.
Wanaa gam en mbadii kuude boodde o hisni en, ammaa dum gam caahu
ma'ako e nyumo ma'ako. O hokkii en caahu nguun gada e kawtal meeden e
Yeesu Almasiifu ila duuniyaaru tagaaka.

Yahayya 3:16 Gam Yehowah yidii duuniyaaru korey, faa o hokkii 'Biyiko bajjo,
gam goondindo mo fuu to' halku, ammaa heba yonki dum faa abadaa.

Hooseya 11:8; Ecaaya 49:15,16; & Ecaaya 41:13,14

Luka 12:32 To' on kul onon sefre famarde, gam Baabiraawo moodon e nana
beldum hokkugo on laamu muudum.

Matta 28:20 ekkitinee be, be tokka duum ko mbi'imi on fuu. Anndee emi wondi e
moodon koo ndeye, faa timmoode duuniyaaru.

Yahayya 14:1 Yeesu vi'i almaajiri'en muudum: To' berde moodon mettu.
Ngoondinee Yehowah, ngoondinee yam miin boo.

Jabuura 23:1 - Yahayya 10:11 Miin woni gaynaako booddo. Gaynaako booddo e
hokka yonki muudum gam baali muudum.

Jabuura 23:2 - Wahayu Yahayya 7:17 Gam Njawdiri ngonndi vuttudu joodforgal
laamu no laatoto gaynaako mabbe. Kadimaa ndi yaharey be to ndiyam yonki
bulata. Yehowah boo no mooytey gondi mabbe fuu.

Jabuura 23:3,4 - Luka 1:79 gam ngol yaynanoo wonbe nder nibre e kulol maayde,
ngol tokkina kosde meeden dow laawol jam.

Jabuura 23:5,6 - 2 Korontu'en 1:10 Min ngoondinii kanko kisnudo min nde'e

maayde hulniinde, o hisney min do'o yeeso boo. Goonga, emin ngoondini o besdey hisnugo min.

Filipi'en 4:7 Ndeen Yehowah kokkoowo jam burdum fahamu neddo fuu no reeney berde moodon e nyumooji moodon gada e Yeesu Almasiifu.

Balndi 3:24 & Jabuura 4:8 - Yahayya 14:27 Emi dalana on jam, jam am kokkeymi on. Miin mi hokkirtaa on noon no duuniyaaru hokkirta. To' berde moodon mettu, to' on kultor.

Jabuura 33:18 - 1 Biiturus 3:12 Gam gite Jawmiraawo e cutii goonga'en dum, emo yewanii do'aaje mabbe, ammaa emo wanyi wadoobe ko halli.»

Roomankoo'en 5:2 Kanko hokki en laawol hebgo caahu Yehowah ngu ngonden nder muudum jo'oni. Kadimaa en doon mbelmbelta, gam en ngoodi tammunde wondugo e teddungal Yehowah.

Ecaaya 55:12 - Luka 19:40 O vi'i be: Emi vi'a on : to kambe be nde'i, de'e kaayé no ngulley.

Yahayya 16:22 Noon onon boo, on naney mettam beram jo'oni, ammaa mi besdey yi'igo on, nanon beldum dum walaa baawdo te'itugo on dum.

Luka 12:9 Biido anndaa yam yeeso yimbe, mi vi'ey mi anndaa mo yeeso malaa'ika'en Yehowah.

Matta 10:30 Onon faa e gaasa ko'e moodon no limaaka.

Ecaaya 54:10 - Matta 24:35 Dow e lees no timmey, ammaa bolle am timmataa faa abadaa.

Matta 11:28-30 Ngaree to am, onon sombe, roondiibe dowle teddude, mi fooftina on. 29 Nanee ko mbi'eymi on, ekkitee to am, gam mi beldo jo'onde, mi leestindo hoore. Yonkiji moodon boo no pooftey. 30 Duum ko mbi'imi on mbadon, dum sadaa wadaago, ko ndoondeymi on boo teddantaa on.

Yiimre Suleymaanu 2:10 & Hooseya 2:14,19,20

2 Korontu'en 11:2 Emi ha'aja on e ka'ajal ivoynal to Yehowah, gam on laatii be dabbyanmi gorko go'oto, waato Almasiifu. Emi yidi yaharugo on to ma'ako kama surbaajo laabdo mo anndaa gorko.

Burtaaki 3:14 - Ibraaninkoo'en 13:8 Yeesu Almasiifu waylataako. Noon no o va'anoo keenya, noon o va'i hannde, e faa abadaa.

Hooseya 13:4 - Kuude Lilaabe 4:12 Gada e ma'ako tan kebruden kisndam, gam walaa wodnde innde feere nder duuniyaaru nde Yehowah hokki gam kisren e muudum, sey Yeesu tan.

Yahayya 15:14 Onon ngoni higoobe am, to on kuwii ko mbi'imi on.

Yahayya 14:6 Yeesu toontii mo vi'i: Miin woni laawol, miin woni goonga, miin woni yonki. Walaa jaheydo to Baabiraawo e laawol feere, sey to ivii e am.

Wahayu Yahayya 3:20 Rammi darii e dammugal, emi silminoo. Koo moye nani voliinde am, omti dammugal, mi nattey mi nyaamda e ma'ako, kanko boo o nyaamdey e am.